

UNIBERTSITATEA. Manuel Montero errektoreak adierazi zuen kudeaketa hobetzeko egindako «birmoldaketa» izan dela errektoreordeen kargugabetzea. Prozesutik ahulduta ez dela aterata, eta, hala ez bada, konfiantza mozioa aurkezteko prest da

Montero: «EHUren baitan babes sendoa dut, eta are sendoagoa izango da»

Lau errektoreorde kargugabetzeko erabakiaren xedea talde barruan antzemandako «kohesio zailtasunak» etetea izan dela adierazi zuen Errektorea; gaiari heldu ezean «zailtasun konponezinak» sor zitzakeelako



ESANAK

MANUEL MONTERO
(Errektorea)

«Hauteskundeak emaitzek ez dute zerikusirik izan»

«Errektoretza taldearen barruan desadostasunak barik, disfuntzioak egon dira»

«EHU ez da taifen erreinua, eta ez ditut onartzen kudeaketan konpartimentuak»

«Babes nahikoa ez dudala ikusiko banu, neurriko erantzuna emango nioke horri»

Manuel Montero errektorea atzoko Gobernu Batzordearen bilera hasi aurretik.

GOBERNU BATZORDEA

Zer etorriko den zain

Kargugabetzeen zergatia azaldu eta errektoreorde berriak aurkezteko Manuel Montero errektoreak deitutako ezohiko Gobernu Batzordeak iragarritakoa baino bi aldiz gehiago iraun zuen. Monterok, ia 40 minutuz emandako azalpenek inor gutxi konbentzitu zuten, eta ia beste bi ordu eta erdi eman zituen gobernukideen galderei erantzuten.

EGUNKARIAK jakin ahal izan zuenez, «birmoldaketa prozesu» honetatik indartuak aterata diren Ingeniaritza Eskola eta Gipuzkoako Campuseko gobernu kideek izan ezik, gainerako guztiek zerbait galdetu, kritikatu edo leporatu zioten Monterori. Batez ere, CCOO sindikatuko ordezkariaren bat edo beste izan ziren zorrotzen jardun zutenek. Hauei, zentsura mozioa aurkezteko gonbita egin zien errektoreak.

Monteroren azalpenek inor gutxi konbentzitu bazuen ere, ez dirudi zentsura moziorik izango denik. Denak zer etorriko den zain daude; bereziki, errektoreak gai garrantzitsuak aurkeztutakoan, Gobernuan zer gertatuko den zain.

Gorane Agirre | LEIOA

«Unibertsitate barruan, babes sendoa daukat, eta are sendoagoa izango da». Horrela adierazi zuen Manuel Montero EHUko errektoreak, Gobernu Batzordeari lau errektoreorde karguetatik kentzeko arrazoiak berri emateko bilerak iragarritakoa baino bi aldiz gehiago iraun ostean, eta Bizkaiko campusa osatzen duten zortzi Fakultateetatik seiko dekanok eta zuzendariak talde berriarekiko «jarrera kritikoa» iragarri aurretik.

EHUren zuzendaritzan hamabost hilabete eskas egin ostean, bere taldearen ia herena kargugabetzeko arrazoiak zeri erantzuten ez dioten azaldu zuen lehendabizi, eta «argi eta

garbi», esan zuenez. «Ez dute helburu politikorik; ez dira Eusko Jaurlaritzaren presioen ondorio; ez dute zerikusirik maiatzaren 13ko hauteskundeak emaitzekin; ez diote ezta presio taldeen, zentroen edo lurralde arteko orekari erantzuten», nabarmendu zuen.

Bizkaia eta Gipuzkoako errektoreordeak, hurrenez hurren, Juan Antonio Rivas eta Frantziska Arregi; Francisco Zuñiga Ikerkuntza errektoreordea, eta Ikasketa Berrikuntza eta Plangintzarako errektoreordea Nicanor Ursua karguetatik kentzeko arrazoiak «endogenoak» izan direla, eta errektoretza taldearen kudeaketa «hobetzea» helburu dutela azaldu zuen.

Lau errektoreordeek kudeaketa «erabat positiboa» egin dutela zehaztu eta erabakia pertsonala izan dela zehaztu ostean, momentu «egokian» egin dela adierazi zuen, hau da, talde berria datorren ikasturtea hasi baino lehen «egunean jar dadin».

«Errektoretza talde barruko kohesio arazoak eten nahi»

«Birmoldaketa prozesua» azken hilabeteotan errektoretza taldearen barruan detektatutako «kohesio eta engranaje zailtasunak eteteko» hasi zuela azaldu zuen. Izan ere, konpondu ezean, «epe ertainean tentsio, geldialdi eta jarduera negatibo konponezinak sor zitzaketan», gaineratuz.

Erabakiak «EHUrentzat kaltegarriak izan daitezkeen egoerei aurre hartzea» helburu izan duela gehitu zuen, «birmoldaketa hau egin ezean, bederatzi hilabetetan kudeaketan hutsu-neak etor zitezkeen».

Errektoretza taldearen barruan, «desadostasunak ezik, disfuntzioak» egon direla onartu zuen Monterok; batez ere, proiektuak gauzatzeko erritmoa eta ezarritako lehentasunei dagokionez.

Ildo horretan, «kudeaketa gelditzeko seinale serioak,